

治河全書

治河全書

卷之二十四

章奏

加挑陶庄引河

加幫童營內戩等工

脩理運河排椿

建辛家蕩滾壩

恭請

閘河

脩五堡土石堤工

加築清河堤工

建石礪濟運閘

建卞家汪石工

脩談家庄月堤

加挑運料河

高堰分脩議叙

高堰工竣

脩桃源烟墩越堤

加幫車路口堤工

慶黃河石工

築韓尹二庄月堤

黃運兩河水勢

秋汛水勢情形

承追限期

指示善後機宜

河圖總說

代

題恭請

聖駕聞河

桃濬高郵河道

兵部尚書兼都察院右都御史總督河道提督軍務臣張鵬翔謹
題為平成仰賴

宸謨引河著有成效謹陳末議以備採擇事康熙四十年九月
二十二日准工部咨開都水清吏司案呈工科抄出都察
院左都御史李枏題前事等因康熙四十年九月初三日
題本月十二日奉

旨這事情着張鵬翔速行詳議具奏該部知道欽此相應抄錄
原疏移咨總河知照可也為此合咨前去查照施行計黏
抄一紙內開都察院左都御史李枏

題為平成仰賴

宸謨引河著有成效謹陳末議以脩採擇事

皇上軫念淮揚疊罹水患

親幸河工指授方畧不惜百萬金錢堅築高家堰必欲淮水之
出將裴家場等處引河開浚深廣又

灼見淮水之不出者皆係黃水所阻若非逼令黃水北流止其
倒灌淮水何得寬暢而出乃于清口相對黃河曲流處之
陶庄直窰引河又于清口外黃河大溜處築挑水壩分引
大溜歸入陶庄引河此誠我

皇上天授神智洞悉本源知捨此再無善策非一日矣近見河臣張鵬翔疏稱開放陶庄引河黃水北流隨奉

旨乘此時自范承勳所築挑水壩起寬長加築堤岸過清口又命張鵬翔將此事問知道的官員詳明定議益見我皇上愛民之深憂民之切淮揚在

朝諸臣莫不感激涕零臣敢不據所聞為我

皇上陳之陶庄引河既開之後務令斷不復淤方為有濟築堤勢在難緩誠如

慮而河心水急沙虛一時恐難着力當于未築堤之先急商

一法以遏水勢臣衙門御史武進賢平日出言慎重偶向
臣云曾効力河工遇大風時目擊百餘糧艘阻于清口外
卽尾停泊黃水忽被逼而北由此觀之土人有用水筏之
說似乎可行夫木乃歲脩所必需筏非波浪所能壞打散
仍可撈取借用不廢帑金臣請聚木為大筏聯以竹篾直
接南北之壩分為數截可離可合風大暫泊兩岸風小仍
結一處以鐵錨沉水鈎定筏上安蓆蓬連善識水性者居
之晝夜巡守河工必預貯椿木取之立辦其木堆積多層
入水約可丈許將黃河大溜永如

聖笑北流淮水自寬暢而出然後堤工可以次第舉行臣又聞
古人于大溜處築堤不就輒沉船以塞之其法每船用五
六丈鐵鍋之底鑄鐵環中穿以木倒釘鍋于船底乃實船
以土鑿之使沉鍋口陷入泥內則牢不可動黃河至深處
不過二丈餘倘用木筏不能搏激大溜將廢壞之官船糧
船沙嘴船調齊兼如此法行之則目前黃河大溜之上下
均被擋隔自流入陶庄引河將來築堤即以此為根脚較
柳枝柴草窠為堅固臣非謂此說必可行請

勅下河臣議築堤之外並商用筏用船二策酌其難易權其後

先遵

旨速行則萬世攸賴矣抑臣更有請者陶庄引河雖黃河大溜
一入即可刷令深廣但水性就下不及黃河大溜之深夏
秋兩汛落後焉能捨旱就高故土人謂黃河徙之使北不
但河底宜深亦且河面宜廣臣思此河共用銀二萬三千
兩有零若再加倍深廣其銀亦不過加倍而已大抵黃河
之沙冬則堅固縱人工稍費易于施工今歲冬月或相其
地勢機宜再加挑浚深廣亦一勞永逸之計也臣前隨

駕河干見我

皇上乘坐小舟往來洪濤之上多方區畫脩極焦勞救此百萬
生靈今高堰已備六壩已閉而收功于一著端不能踰此
過黃北徙之法用敢妄抒管見緣屬條陳河工事宜字多
逾格貼黃難盡伏乞

御覽採擇施行為此具本謹題請

旨等因移咨到臣准此該臣看得左都御史李棟疏稱陶庄引
河既開之後務令斷不復淤築堤勢在難緩河心水急沙
虛一時恐難着力請聚木為大筏聯以竹篾直接南北之
壩又聞古人于大溜處築堤不純輒沉船以塞之並商用

筏用船二策酌其難易權其後先等語臣集衆河官前往清口南北兩壩令汛官探量黃河水勢水深三四丈餘不等水深溜急木筏難以存住又河底稀淤土虛鐵錙難以抓實鑿船沉鐵恐碍重運糧船行走且欽奉

特旨于范承勳所築挑水壩至清口築寬長堤岸足以通溜向北已飭具

題請

旨在此案似且不必用船用筏義又疏稱閘座對河不及黃河大溜之深焉能擔畢統高臣思此河共用銀二萬三千兩有

零再加倍深廣其銀亦不過加倍而已今歲冬月相其地
勢機宜再加挑浚深廣等語應如所

題再加挑浚深廣恭候

聖裁訓示以便

題估挑浚緣係遵

旨議奏事理臣謹具疏

題覆伏乞

皇上睿鑒施行等因康熙四十年十月初二日題本月十八日
奉

旨該部知道欽此欽遵于十月十九日抄出到部該臣等議得
先經左都御史李栴以陶庄引河既開之後務令斷不復
淤築堤勢在難緩河心水急沙虛一時恐難着力請聚木
為大筏聯以竹纜直接南北之壩又聞古人于大溜處築
堤不就輒沉船以塞之應商用筏用船二策又陶庄引河
不及黃河大溜之深烏能捨卑就高請再加挑浚深廣等
因具題奉

旨這事情着張鵬翮速行詳議具奏該部知道欽遵行文去後
今據河道總督張鵬翮疏稱臣集衆河官前往清口南北

兩壩令汛官探量黃河水勢水深三四丈餘不等水深溜
急木筏難以存住又河底稀淤土虛鐵錨難以抓實鑿船
沉鐵恐碍重運糧船行走且欽奉

特旨于范承勳所築挑水壩至清口築寬長堤岸足以逼溜向
北似不必用筏用船其陶庄引河應再加挑浚深廣等因
前來查該督既稱水深溜急木筏難以存住鑿船沉鐵恐
碍重運糧船行走將挑水壩加築寬長足以逼溜向北不
必用筏用船其陶庄引河應再加挑浚深廣等語應均如
題將所需錢糧該督確估具題可也康熙四十年十一月

初四日題本月初六日奉

旨依議速行欽此欽遵抄出到部移咨到臣准此又于康熙四十年十一月二十日准工部咨為恭報秋汛水勢情形事都水清吏司案呈奉本部送工科抄出該本部覆河道總督張鵬翮題前事等因康熙四十年十月初一日題本月十八日奉

旨該部知道欽此欽遵于十月十九日抄出到部該臣等議得河道總督張鵬翮疏稱今年秋汛水勢黃河自徐州以至海口共長水七尺四寸八尺七寸九尺九寸不等然皆隨

長隨消兩岸險工俱各平穩湖水蓄長高家堰加謹防守
俱獲平穩清口暢流淮水依然會黃入海並無倒灌又連
河自挑浚之後清水衝刷寬深加以人字涇澗等河宣洩
有路兩岸工程俱屬平穩馬家港東壩連古禮等所脩埽
工已過一年盡行淌去姜逢彩等所築東壩堤工刷卸四
丈但馬家港係奉部文暫留口門以洩黃水令汛官作速
裹頭堤頭以防汕刷高澗大壩裏戢柴工墊陷飭該道廳
嚴催分脩撫臣高承爵之弟高蔭爵作速脩築陶庄引河
開放之後水勢暢流嗣因黃水消落中段淤墊見令承挑

人員再加挑浚俟來春桃汛水長開放衝刷等因前來查
先經該督將馬家港口門留洩黃河之水等因具題經九
卿會議覆准暫留在案應將馬家港淌去東壩埽工刷卸
堤工令汛官作速裹護堤頭以防汕刷其墊陷高澗大壩
裹戢并陶庄引河中段淤墊之虞俱責令原承築承挑人
員速行挑築完工報部可也康熙四十年十一月初八日
題本月初十日奉

旨依議速行欽此欽遵抄出到部移咨到臣准此隨行准徐淮
楊二道遵照確估并催將中段淤墊之虞作速挑挖去後

今據淮徐道副使施世綸淮揚道叅議王謙詳據山清外河同知南夢班徐屬河務同知李梅呈報陶庄引河應再加挑浚深廣蒙總河部院具

題部議應如所題將所需錢糧確估具題又陶庄引河中段淤墊之處責令原承挑人員速挑完工報部等因奉

旨依議速行欽遵在案卑職接蒙檄行親詣該工會同確勘估計但查從前挑河積土緊堆南岸必須先將積土盡行運送北岸挑至平地方能施工其運送積土夫工需銀六千五百二十二兩六錢二分今估加挑新河身二十丈計需

用土方埽料銀一萬二千三百四十二兩七錢八分委無
浮冒又陶庄引河中段淤墊之處遵奉院行催令原挑人
員速行挑挖去後續經少詹事邵遠平呈稱陶庄引河淤
墊中段自當遵照挑浚但職等素來不諳河務情願各照
所淤尺寸竭力捐貲交該管河官挑挖庶要工不致遲悞
等因呈院批道確估轉行到職該卑職查得陶庄引河各
學院學道捐挑引河原長七百八十丈開放進行河頭河
尾匯入黃河長一百五十二丈見今淤墊中段長六百二
十八丈亟應加挑寬深以備開放需用土方埽料銀一萬

三千二十五兩六錢二分若俟各官措銀賠挑緩不濟事
應先動帑挑完日于原挑學道史陸興等名下催補還
項今照各員原挑工段文估內原任福建學道史陸興應
還銀四百九十二兩六錢八分原任直隸學院朱阜應還
銀四千八百五兩六錢原任陝西學道高爾公應還銀四
千二百兩六錢原任少詹事邵遠平應還銀一千七百三
十七兩三錢原任湖廣學道岳宏譽應還銀一千七百八
十九兩四錢四分見在工邵遠平等一面催令照數繳還
庫項惟已故學道高爾公應還銀兩移咨江寧撫院轉行

原籍追解還項內有河兵挑挖土方值銀一千一百八十一兩九錢六分自應扣除無容動帑合併聲明等因到道據此該本道等查得陶家庄引河應再加挑浚深廣蒙本部院具

題部議應如所題將所需錢糧確估具題又陶庄引河中段淤墊責令原挑人員挑完報部等因奉

旨依議速行欽遵在案本道接奉院行當即檄飭該廳等查丈估計去後今據外河同知南夢班等呈稱查從前挑河積土堆貯南岸必須先將積土盡行運送北岸挑至平地方

能施工需用夫工銀六千五百二十二兩六錢二分加挑
新河身二十丈估用土方埽料銀一萬二千三百四十二
兩七錢八分委無浮冒其陶家庄引河中段淤墊之虞遵
本部院行催令原挑人員挑挖續經少詹事邵遠平等呈
稱陶庄引河淤墊中段自應遵照挑浚但職等不諳河務
情願各照所淤尺寸竭力捐貲交河員挑挖等因蒙批確
估在案卑職等親行文估引河原長七百八十丈開放遙
行河頭河尾匯入黃河長一百五十二丈見今淤墊中段
長六百二十八丈並應加挑寬深以備開放需用土方埽

料銀一萬三千二十五兩六錢二分係緊要工程若俟原挑官措銀賠挑緩不濟事應先動帑銀挑完日子原挑官邵遠平等名下催補還項今照各員原挑工段細加丈估內原任福建學道史陸與應還銀四百九十二兩六錢八分原任直隸學院朱阜應還銀四千八百五兩六錢原任陝西學道高爾公應還銀四千二百兩六錢原任少詹事邵遠平應還銀一千七百三十七兩三錢原任湖廣學道岳宏譽應還銀一千七百八十九兩四錢四分見在工邵遠平等一面催令照數繳還庫項惟已故學道高爾公

應運銀兩核咨江寧撫院轉行原籍追解運項內有河兵挑挖土方值銀一千一百八十一兩九錢六分自應扣除無庸動帑合併聲明等因前來相應轉詳等因到臣據此該臣看得陶庄引河應再加挑浚深廣經臣具

題部議應如所題將所需錢糧確估具題又陶庄引河中段淤墊之處部議責令原挑人員速挑完工報部等因俱奉旨依議速行欽遵在案行據淮徐道副使施世綸淮揚道叅議王謙詳稱陶庄引河從前挑河積土堆貯南岸今估加挑新河身二十丈必須先將積土盡行運送北岸挑至平地

方能施工其運送積土需用夫工銀六千五百二十二兩
六錢二分加挑河身二十丈需用土方埽料銀一萬二千
三百四十二兩七錢八分其陶庄引河中淤墊之廣計
長六百二十八丈需用土方埽料銀一萬三千二十五兩
六錢二分奉部文責令原挑官速挑完工但係緊要工程
著俟原挑官措銀賠挑緩不濟事應先動帑挑完日子
原挑官邵遠平等名下照數追取還項內有學道高爾公
病故應移咨江寧巡撫轉行原籍地方官催追解還清項
等因前來臣覆覈無異不另請撥錢糧除加挑河身并運

送積土動支歸仁堤節省銀兩引河中段淤墊之廢動支
周銓元等捐助銀兩給發外河同知南夢班等乘時速挑
淮徐道施世綸淮揚道王謙監工督催并原冊送部查覈
外相應具疏

題估伏乞

皇上睿鑒勅部議覆施行等因康熙四十年十二月初七日題
本月二十一日奉

旨該部速議具奏欽此欽遵于十二月二十二日抄出到部該
臣等議得先經河道總督張鵬翔將陶庄引河應再加挑

浚深廣又原挑引河中段淤墊等因具題臣部以陶庄河
河該督既稱應再加挑浚深廣應如所題將所需錢糧確
估具題其引河中段淤墊之虞責令原承挑人員速行挑
完等因題覆行文去後今據該督疏稱陶庄引河從前挑
河積土堆貯南岸今估加挑新河必須先將積土盡行運
送北岸挑至平地方能施工運送積土需用夫工銀六千
五百二十二兩六錢二分加挑河身估銀一萬二千三百
四十二兩七錢八分其引河中段淤墊之虞估銀一萬三
千二十五兩六錢二分係緊要工程若俟原挑官措銀賠

挑餉不濟事應先動帑挑完日于原挑官邵遠平等名下照數追取還項其工程令外河同知南夢班等乘時速挑等因前來查陶庄引河加挑既經該督估計具題應如所題速行挑完其舊引河中淤墊之處既經先動帑銀挑完亦應如所題動支速行挑完工完將用過錢糧裁減造冊題銷一面于原挑各官名下追還原項可也康熙四十一年正月十八日題本月十九日奉

旨依議速行欽此欽遵抄出到部移咨到臣准此當即檄行該道催挑工完裁減冊詳去後今據淮揚道叅議王謙署淮

徐道事淮揚道王謙造冊詳銷等因到臣據此該臣看得
陶庄引河南岸積土挑去加挑深廣井中段淤墊之處動
帑挑挖經臣

題估部議應如所題挑挖其舊引河中段淤墊之處用過錢
糧覈減造冊題銷于原挑各官名下追還原項等因奉

旨依議速行欽遵在案今據淮揚道叅議王謙等詳稱查得原
挑陶庄引河南岸積土長五百九十丈運送北岸原估土
方銀六千五百二十二兩六錢二分今工完覈減實用銀
五千八百七十兩三錢五分八釐節省銀六百五十二兩

二錢六分二釐又南岸積土之下加挑新河長五百九十
八丈原估土方料物銀一萬二千三百四十二兩七錢八
分今工完覈減實用銀一萬一千一百零八兩五錢六分
二釐節省銀一千二百三十四兩二錢一分八釐其各學
院道原捐挑引河中段淤墊工長六百二十八丈乃屬新
淤沙陷人力難施照估實用銀一萬三千二十五兩六錢
二分內有兵挑河土值銀一千一百八十一兩九錢六釐
扣存在庫留為節省並無浮冒查中段淤墊估用銀兩原
奉部文于原挑各員名下催補還項除邵遠平應還銀一

千七百三十七兩三錢已經照數繳還河庫其原任福建學道史陸興江南人應賠銀四百九十二兩六錢八分原任順天學院朱阜浙江人應賠銀四千八百五兩六錢已故原任陝西學道高爾公江南人應賠銀四千二百兩六錢原任湖廣學道岳宏譽江南人應賠銀一千七百八十九兩四錢四分尚未完交應交該省巡撫于各學院道原籍照追還項等因冊詳前來臣覆覈無異除原冊送部查覈外相應

題銷伏乞

皇上勅部議處裁銷施行并因康熙四十一年閏六月二十六

日題七月十五日奉

旨著察核該部知道欽此欽遵于七月十六日抄出到部該臣
等議得河道總督張鵬翔疏稱加挑陶庄引河原估銀一
萬八千八百六十五兩四錢今實用銀一萬六千九百七
十八兩九錢二分節省銀一千八百八十六兩四錢八分
又舊引河中淤墊挑挖原估銀一萬三千二十五兩六
錢二分內有兵挑河土值銀一千一百八十一兩九錢零
扣存在庫至淤墊估用銀兩原奉部文于原挑官名下補

還此內邵遠平應追銀一千七百三十七兩三錢已經繳
庫其史陸興等應追銀一萬一千二百八十八兩三錢二
分尚未完交應行該省巡撫于原籍照追還項等因前來
應將前項挑河用過銀兩准其開銷節省銀兩貯庫為河
工之用其用過挑挖淤墊原任學道史陸興等未完銀兩
應行各該省巡撫照例勒追還項可也康熙四十一年八
月初五日題本月十一日奉

旨依議

兵部尚書兼都察院右都御史總督河道提督軍務臣張鵬翔謹
題為估計加幫要工事據淮揚道叅議王謙詳據外河同知
南夢班呈稱該年職查得山陽黃河南岸董家營大壩原
築工長一百七十八丈于康熙三十六年間堵塞合龍歷
經四載壩外黃水迎溜頂衝壩內積水深潭壩身內陡高
一丈五六尺埽個年久朽爛塌卸壩身单薄每遇風浪一
作內外受敵雖堤外每年歲脩下埽搭護俱皆浮沙實難
抵禦急應加幫裡戩以資捍禦計工長一百五十五丈估
用土方埽料銀一萬五千四百二十七兩四錢三分八釐

又山陽黃河南岸洪福庄堤工外坦原有淤灘離河尚遠
近因溜走南岸將灘衝去而外坦塌卸竟成新險急應趕
首幫截計工長二百丈估用土方銀一千九百七十六兩
九錢七釐又清河黃河南岸吳城堤工因唐埂諸塌堵閉
全湖淮水北注該工外係黃河內係湖水中僅一線孤堤
每遇南風浪刷致將裡陡撞塌五六七八九尺以致一丈
五六七八九尺不等甚屬危險急應加幫裡陡計工長一
千七百八十八丈一尺六寸估用土方銀二千九百六十
六兩八錢二分九釐三絲以上堤工三段均關緊要加幫

實不容緩所估錢糧俱無浮冒相應造冊詳送伏乞詳請
題估作速幫集等因又據山安同知袁陳佩詳稱山陽黃河
南岸西坎堤工坐當迎溜掃灣兼之對岸新生沙嘴逼黃
溜直射南岸堤面日漸塌卸堤內急須幫集裡錢方資捍
禦計工長三百九十五丈共估土方埽料銀一千七百五
十九兩一錢五分六釐所估錢糧減而又減委無浮冒相
應造冊詳請

題估等情到道據此該准揚道叅議王謙看得山陽黃河南
岸童家營大壩洪福庄西坎三處堤工地居黃河下流俱

係頂衝掃灣之處舊埽腐朽堤工卑薄清河南岸吳城鎮堤一工外黃內湖中僅一線孤堤每日湖水衝刷裡陡塌卸急應加幫內戗以資捍禦以上四處堤工共長二千五百三十八丈一尺六寸共估土方埽料銀二萬二千一百三十兩三錢三分三釐既據該廳造冊詳估前來本道覆數並無浮冒相應照造清冊詳請具

題發帑脩築一律完固用資捍禦等因到臣據此該臣看得童家營大壩外係黃河頂衝內係積水深潭埽個朽爛壩身卑薄應幫內戗土堤以資捍禦計工長一百五十五丈

估用土方埽料銀一萬五千四百二十七兩四錢三分八釐洪福庄堤工因溜走南岸外坦塌卸應幫裡銀工長二百丈估計土方銀一千九百七十六兩九錢七釐吳城隍堤內湖外黃中僅一線孤堤湖水浪刷裡陡塌卸急應作速加幫計工長一千七百八十八丈一尺六寸估用土方銀二千九百六十六兩八錢二分九釐三絲西坎堤工坐當迎溜掃灣堤面日漸塌卸堤內急須幫銀計工長三百九十五丈共估土方埽料銀一千七百五十九兩一錢五分六釐以上四處堤工共長二千五百三十八丈一尺六

寸共估土方埽料銀二萬二千一百三十兩三錢三分三絲並無浮冒等因造冊詳估前來臣覆覈無異不另請撥錢糧動支武家墩石工椿木節省銀一千八百八十三兩八錢二分武家墩石工扣存銀二萬二百四十六兩五錢一分零應用再查黃河兩岸工程前估脩防此四處堤工尚未如此危險臣從節省錢糧起見故未彙入前案具題今因黃淮合流水盛刷堤脩防緊要勢不可已除原冊送部查覈外相應具

題伏乞

皇上睿鑒勅部議覆施行等因康熙四十年十月初七日題本

月二十二日奉

旨該部議奏欽此欽遵于十月二十三日抄出到部該臣等議
得河道總督張鵬翮疏稱董家營大壩外係黃河頂衝內
係積水深潭埽箇朽爛壩身卑薄應幫內戩土堤洪福庄
堤工因溜走南岸外坦塌卸應幫裡戩吳城嶺堤內湖外
黃中僅一線孤堤湖水浪刷裡陡塌卸急應加幫西坎堤
工坐當迎溜擇灣堤面日漸塌卸急須幫戩共工長二千
五百三十八丈一尺六寸共估銀二萬二千一百三十兩

三錢三分零不另請錢糧動支武家墩節省等銀等因前
未查董家營洪福庄吳城西坎等處堤工該督既稱應加
幫內銀等語均應如所題速行乘時幫築工完之日將用
過錢糧數減造冊題銷可也康熙四十年十一月十一日
題本月十二日奉

旨依議速行

兵部尚書兼都察院右都御史總督河道提督軍務臣張鵬翔謹
題為請理淮揚運河排椿以固堤岸事該臣看得淮揚運河
係各省糧艘經由要道關係要向因黃水倒灌河底墊
高一遇水長盈堤溢所前河臣于成龍于康熙三十八年
春發帑委員簽釘排椿內填龍尾小埽以衛堤工三歷伏
秋又值運河大挑之後清水暢流兩岸泥土漸次衝刷排
椿日見倒塌亟應乘時脩理以禦來年桃伏秋三汛今據
淮揚道叅議王謙詳估淮屬山陽境內揀補排椿改鑲丁
埽需用銀一萬八千九百六十九兩八錢四分七釐七毫

三絲揚屬高郵寶應江都三州縣境內挑椿換柴改築坦
坡鑲柴壓土需用工料銀一萬八千九百八十七兩二錢
九分六釐通共估銀三萬七千九百五十七兩一錢四分
三釐七毫二絲並無浮冒等因造冊詳估前來臣覆覈無
異不另請撥錢糧一面動支大挑運河節省銀一萬九千
六百二十八兩七錢五分零武家墩石工椿木節省銀一
萬九百二十三兩三錢二分零盤收外河廳庫各官捐排
椿銀四千八百四十二兩三錢六分零裡河楊河各貢追
繳排椿銀二千五百六十二兩七錢一分零令裡河同知

王英謀揚河通判楊兆備等作速購備料物乘時價備以資捍禦並原冊送部查覈外相應具疏

題佑伏乞

皇上睿鑒勅部議覆施行等因康熙四十年十月初八日題本月二十二日奉

旨該部議奏欽此欽遵于十月二十三日抄出到部該臣等議得河道總督張鵬翮疏稱淮揚運河係糧艘經由要道宸關緊要大挑之後清水暢流而畔泥土漸次衝刷排椿倒壞亟應乘時脩理以禦來年挑伏秋三汛淮屬山陽境內

據補排椿改鑲丁埽楊屬高寶江三州縣境內排椿換柴
甌石工之虞拔起椿木改築坦坡鑲柴壓土共估銀三萬
七千九百五十七兩一錢零不另請撥錢糧動支大挑運
河節省等銀購料備脩等因前來查該督既稱准揚運河
係糧艘經由要道應乘時脩理等語應如所題脩理工完
之日將用過錢糧覈減造冊題銷可也康熙四十年十一
月十三日題奉本月十四日奉

旨依議速行欽此欽遵抄出到部移咨到臣准此當即檄行該
管道廳將運河排椿等工速行脩理完工報銷去後今據

淮揚道叅議王謙造冊詳銷等因到臣據此該臣看得淮
揚運河係糧艘經由要道兩岸排椿倒壞應乘時脩理經
臣具疏

題估部覆准脩奉

旨依議速行欽遵轉行在案今據淮揚道叅議王謙詳稱山陽
裡河西畔補脩排椿工段原估工料銀一萬八千九百六
十九兩八錢四分七釐七毫二絲今工完覈減實用銀一
萬七千七十一兩四錢三分三釐節省銀一千八百九十
八兩四錢二分四釐七毫二絲揚屬高寶江三州縣運河

兩岸樺椿換柴改築坦坡原估工料土方銀一萬八千九百八十七兩二錢九分六釐今工完覈減實用銀一萬七千八十八兩五錢六分六釐四毫節省銀一千八百九十八兩七錢二分九釐六毫通共實用銀三萬四千一百五十九兩九錢八分九釐四毫節省銀三千七百九十七兩一錢五分四釐三毫二絲並無浮冒等因冊詳前來臣覆覈除原冊送部查覈外相應

題銷伏乞

皇上勅部覈銷施行等因康熙四十一年六月初七日題本月

二十五日奉

旨着察核該部知道欽此欽遵于六月二十六日抄出到部該
臣等議得先經河道總督張鵬翮將山陽裡河兩岸補脩
排椿高竇江三州縣運河兩所揔椿換築改築估銀三萬
七千九百五十七兩一錢零等因具題臣部覆准脩理工
完覈減造冊題銷在案今據該督疏稱實用銀三萬四千
一百五十九兩九錢八分零節省銀三千七百九十七兩
一錢五分零並無浮冒等因前來查前項工程用過銀兩
該督既稱並無浮冒等語應准開銷其節省銀兩冊內並

未開明于某段工程節省應行該督詳明造冊送部再議
可也康熙四十一年閏六月十六日題本月二十日奉

旨依議

兵部尚書兼都察院右都御史總督河道提督軍務臣張鵬翮謹
題為欽奉

上諭事康熙四十年七月二十五日准工部咨開本部等衙門
會覆河道總督張鵬翮題前事高堰地方關係甚要應令
該督委道廳官住劄工所敬謹防守該督親身不時往來
巡查毋致危險再該督既稱留馬家港口門以分洩黃河
之水辛家蕩脩滾水壩以洩黃河異漲之水開歸仁堤引
河引水出黃則泗州上源之水上無所入下有所疏泗州
水患庶幾可減等語應令該督將歸仁堤引河作連挑滾

馬家港仍暫留口門辛家蕩淤水壩速行脩理等因奉

旨這堤岸脩築防護着照議行欽遵移咨轉行在案隨行各道等欽遵并催將辛家蕩淤水壩確估去後今據淮揚道叅議王謙確估造冊詳報等因到臣據此該臣看得山陽縣黃河南岸辛家蕩脩建淤水壩以洩黃河異漲之水下流益暢則淮水之出清口亦暢等因具

題九卿會覆速行脩理奉

旨着照議行欽遵在案今據淮揚道叅議王謙詳估辛家蕩淤水壩一座共該工料銀三萬六千三百四十九兩九錢四

分八釐六毫並無浮冒等因造冊詳送前來臣覆覈無異
不另請錢糧動支原任山旰通判靳治齊繳還會勘案內
餘存大工銀兩照數給發隨委山安同知裘陳佩領帑辦
料興脩委淮揚道叅議王謙監工督催除原冊送部查覈
外相應具疏

題估伏乞

皇上睿鑒勅部議覆施行等因康熙四十年十一月初五日題
本月二十八日奉

旨該部議奏欽此欽遵于十一月二十九日抄出到部該臣等

議得先經河道總督張鵬翮將山陽縣黃河南岸辛家蕩
應建滾水壩一座以洩黃河異漲之水等因具題經九卿
會議覆准在案今據該督疏稱辛家蕩脩建滾水壩共估
工料銀三萬六千三百四十九兩九錢四分零不另請錢
糧動支原任山旰通判靳治齊繳還會勘案內餘存大工
銀兩給發辦料興脩等因前來查辛家蕩滾水壩既經該
督估計具題應令速行興砌工完之日將用過銀兩覈減
造冊題銷可也康熙四十年十二月初十日題本月十五

日奉

旨依議速行

兵部尚書兼都察院右都御史總督河道提督軍務臣張鵬翔謹
題為河工仰賴

聖謨底績有慶恭祈

聖駕親幸閱視指授善後方略以永保平成事伏惟我

皇上至仁如天大智若神勵精圖治中外晏安獨有河工一事

尚厯

聖懷宵旰憂勤

親臨閱視洞悉源委區畫精詳畀臣督河重寄臣本庸愚未諳

河務凡治河事宜一一仰遵

聖訓風夜兢惕恒以弗獲欽承

聖訓是懼蒙我

皇上指授疏通海口乃得水有歸路黃河刷深

指授堅築高堰並廣開清口乃得引淮水暢流而出

指授築歸仁堤導泗州上源之水入于河

指授疏人字芒稻等河引運河之水注之江

指授築挑水壩疏陶庄引河逼黃水而暢清流使永無倒灌之

虞

指授挑蝦鬚等河引下河積水入于海其餘各處工程

指授周悉莫能殫述今黃運兩河水循故道漕運利涉民田樹
藝淮揚蒼生黃童白叟咸頌

皇上天授神智峻德豐功亘古莫比其盛但河工甫得就緒保
固更為緊要其間尚有應脩之處與善後之計微臣學識
淺陋罔知所措日夕兢兢恭祈

聖駕于來春二月桃汛未發之前

親臨河工再賜

指授應脩工程與善後方略俾臣知所遵循始終仰賴
聖訓永保安瀾克奏平成之績且東南臣民深受

皇恩懋

主之心實為誠切願望

翠華臨幸亦得慰瞻

天仰

聖之忱矣等因康熙四十年十一月二十六日題康熙四十一

年九月十六日奉

旨這所奏知道了該部知道

兵部尚書兼都察院右都御史總督河道提督軍務臣張鵬翮謹
題為估脩要工以資保固事該臣看得歸仁堤五堡舊石工
經前任河臣于成龍等動帑委員脩補石塊不足經臣于
交代案內查明

題追在案今高下不齊必須動帑補砌一律庶資捍禦又土
堤內戲原未估計帑築多有坍卸殘缺亦應帑築平整以
資保固今據淮徐道副使施世綸詳稱應脩土堤長一千
九百二十九丈八尺并添補石堤二共估用工料土方銀
三千八百一十七兩二錢三分六釐八毫並無浮冒等因

冊詳前來臣覆覈無異不另請撥錢糧除一面動支歸仁堤節省銀兩給發宿虹同知陳之琦等乘時脩築淮徐道副使施世綸監工督催並原冊送部查覈外相應具疏

題佑伏乞

皇上勅部議覆施行等因康熙四十年十二月初七日題本月二十一日奉

旨該部議奏欽此欽遵于十二月二十二日抄出到部該臣等議得河道總督張鵬翮疏稱歸仁堤五堡石工高下不齊必須補砌一律又土堤內餞原未估計幫築多有坍塌殘

缺亦應幫築共估用工料土方銀三千八百一十七兩二錢零動支歸仁堤節省銀兩給發宿虹同知陳之琦等脩築等因前來查歸仁堤石工高下不齊之處該督既稱應補砌一律又土堤坍卸殘缺應行幫築等語應如所題准其動支歸仁堤節省銀兩連行脩築工完之日將用過錢糧覈減造冊題銷可也康熙四十一年二月初七日題本月十三日奉

旨依議連行欽此欽遵抄出到部移咨到臣准此當經檄行該道遵照連行脩築去後今據署淮徐道事管理河庫兵部

員外郎張弼造冊詳銷等因到臣據此該臣看得歸仁堤五堡石工高下不齊必須補砌又土堤內戩多有塌坍殘缺亦應幫築經臣具

題估計部覆應如所題速行脩築工完覈減造冊題銷等因奉

旨依議速行欽遵轉行脩築去後今據署淮徐道事管理河庫兵部員外郎張弼詳稱原估工料土方銀三千八百一十七兩二錢三分六釐八毫今工完覈減實用銀三千四百三十五兩八錢五釐六毫節省銀三百八十一兩四錢三

分一釐二毫並無浮冒等因造冊詳銷前來臣覆覈無異
除原冊送部查覈外相應

題銷伏乞

皇上勅部覈銷施行等因康熙四十一年四月十八日題五月
初六日奉

旨着察核該部知道欽此欽遵于五月初七日抄出到部該臣
等議得先經河道總督張鵬翮將脩補歸仁堤五堡石工
并幫築土堤估計具題臣部覆令速行脩築工完覈減造
冊題銷等因行文在案今據該督疏稱原估銀三千八百

一十七兩二錢三分零實用銀三千四百三十五兩八錢
零節省銀三百八十一兩四錢三分零等因前來查欽奉
上諭事案內幫築堤工過河取土每方用銀一錢五分今每方
用銀一錢六分以至一錢九分零不等比例浮多應行該
督查明覈減具題到日再議可也康熙四十一年六月初
一日題本月初三日奉

旨依議欽此欽遵抄出到部移咨到臣准此當經檄行該道遵
照確核去後今據淮徐道僉事張弼詳稱歸仁堤加幫堤
工用過銀兩俯照前冊准其開銷等情詳覆到臣據此該

臣看得報銷歸仁堤土方工價部議裁減當行該道確核
今據淮徐道僉事張弼詳稱歸仁堤加幫銀工委員備築
時兩邊皆係水占搭橋墊路往返四五里之外取土照水
工例估計屢經駁減方准銷銀一錢六分至一錢九分不
等至宿邑境內從前並未有過河取土每方銀一錢五分
之處且查康熙二十二年內前河臣靳輔報銷歸仁堤大
工堤土每方給銀一錢七八分至二錢三四分不等造冊
題銷部覆允准在案今本工請銷銀一錢六分至一錢九分
較前更為節省所有歸仁堤加幫堤土用過銀兩俯照原

冊准銷等情前來臣覆覈無異相應具疏

題覆伏乞

皇上勅部仍照原冊嚴銷施行等因康熙四十一年七月二十二日題八月十一日奉

旨該部知道欽此欽遵于八月十二日抄出到部該臣等議得先經河道總督張鵬翮將修補歸仁堤五堡石工并幫築土堤用過銀兩題銷臣部以欽奉

上諭事案內築堤過河取土每方用銀一錢五分今每方用銀一錢六分至一錢九分零覆令核減具題去後今據該督

疏稱歸仁堤加幫銀工委員脩築時兩邊皆係水占搭橋
取土每方用銀一錢六分至一錢九分不等且康熙二十
二年前河臣靳輔報銷歸仁堤大工每方給銀一錢七八
分至二錢三四分今每方給銀一錢六分至一錢九分較
前更為節省請照原冊准銷等因前來查康熙二十二年
前河臣靳輔報銷歸仁堤大工冊開取土遠近不等每方
牽給銀一錢七分二釐今每方牽給銀一錢八分一釐零
較前每方多銀九釐但該督既稱委員脩築時兩邊皆係
水占搭橋取土每方用銀一錢六分至一錢九分等語應

將用過銀三千四百三十五兩八錢零准其開銷節省銀
三百八十一兩四錢三分貯庫為河工之用可也康熙四
十一年九月初二日題本月初四日奉

旨依議

兵部尚書兼都察院右都御史總督河道提督軍務臣張鵬翮謹
題為請築撐堤加幫綾堤以資保固事該臣看得清河縣陶
庄開奉

旨開挑引河南岸又有挑水壩挑溜北入引河溜走北岸逼近
黃河綾堤汕刷堪虞臣率同道廳等官再四相度應于綾
堤之內創築撐堤一道自三元廟西起至獲縣堤止計長
三百丈以為重門之障再將臨河綾堤及獲縣堤頭卑矮
之處加築高厚應幫堤工三段共長八百七十一丈五尺
連創築撐堤共需土方銀八千一百二十八兩一錢九分

四釐又黃河南岸挑水壩前接築寬長堤工俱已完竣但此壩坐當黃溜之中誠恐伏秋水大溢岸壩後不無侵灌之虞今議自挑水壩西添築撐堤一道自壩基往南至接堤止計長三百九十七丈五尺內有坑塘低窪之處下埽鑲填共需土方料物銀二千九百一十九兩七錢九分八釐如此則挑水壩得以鞏固而運道民生均有攸賴以上南北兩岸撐堤鑲堤創堤工程最關緊要共估土方工料銀一萬一千四十七兩九錢九分二釐行據淮揚道造冊詳估並無浮冒前來臣覆覈無異不另請撥錢糧一面動

支臨清關分司阿錫魯解到額外銀一萬兩蘇糧捐助銀
一千四十七兩九錢九分二釐給發外河同知南夢班等
備築速竣并原冊送部查覈外理合具疏

題估伏乞

皇上睿鑒勅部議覆施行等因康熙四十一年二月初十日題
本月二十六日奉

旨該部速議具奏欽此欽遵于二月二十七日抄出到部該臣
等議得河道總督張鵬翮疏稱清河縣陶庄開奉

旨開挑引河南岸又有挑水壩挑溜入引河溜走北岸逼近黃

河隄堤汕刷堪虞請于隄堤之內創築撐堤一道長三百
丈再將隄堤及獲縣堤頭平隄之處加築高厚應幫堤內
三段共長八百七十一丈五尺需銀八千一百二十八兩
一錢零又黃河南岸挑水壩坐當黃溜之中誠恐伏秋水
大溢岸壩後不無侵灌之虞今自挑水壩西添築撐堤一
道自壩基往南至隄堤止長三百九十七丈五尺內有坑
塘低窪之處下埽銀填需銀二千九百一十九兩七錢零
如此則挑水壩得以鞏固運道民生有賴以上共估土方
工料銀一萬一千四十七兩九錢零動支臨清關分司阿

錫得鮮到銀一萬兩蘇糧捐助銀一千四十七兩九錢零
給發外河同知南夢班等價築等因前來查該督既稱饒
堤之內應築撐堤並加幫饒堤及護縣堤卑矮之處挑水
壩西添築撐堤等語應均如所題速行乘時幫築堅固工
完之日將用過錢糧數減造冊題銷可也康熙四十一年
三月初一日題本月初二日奉

旨依議速行

兵部尚書兼都察院右都御史總督河道提督軍務臣張鵬翮謹
題為亟脩閘座以利運道事該臣看得運口為糧艘轉輸要
道初春運行之際在桃汛未發之前水尚未長漕運需水
甚急去歲于石礪築草壩開渠引三汊河之水以濟運糧
艘得以通行至桃汛水發即行堵閉今臣率道廳等官再
加相度與其每歲開閉需用錢糧不若建造石閘相時啟
閉不獨于漕運有益且省每歲脩築之費行據淮揚道叅
議王謙詳估工料銀二萬三千二百八兩八錢六分五釐
五毫二絲並無浮冒等因造具估冊前來臣覆覈無異不

另請撥錢糧動支停挑王家營引河銀兩給發裡河同知
王英謀等辦料興脩委淮揚道叅議王謙監工督催除原
冊送部查覈外理合具

題伏乞

皇上睿鑒勅部議覆施行等因康熙四十一年二月二十七日
題三月十三日奉

旨該部議奏欽此欽遵于三月十四日抄出到部該臣等議得
河道總督張鵬翮疏稱運口為糧艘轉輸要道初春運行
之際在桃汛未發之先水尚未長去歲于石礪築草壩開

渠引三汊河之水以濟運糧艘得以通行至桃汛水發即
行堵閉今臣率道廳等官再加相度與其每歲開閉需用
錢糧不若建造石閘相時啟閉于漕運有益且省每歲脩
築之費估銀二萬三千二百八兩八錢零動支停挑王家
營引河銀兩給發裡河同知王英謀等辦料興脩委淮揚
道王謙監工等因前來查該督既稱于石砌建造石閘相
時啟閉于漕運有益且省每歲脩築之費等語應如所題
准其建造石閘工完將用過工料銀兩覈減造冊題銷可
也康熙四十一年三月二十八日題本月三十日奉

旨依議

兵部尚書兼都察院右都御史總督河道提督軍務臣張鵬圖謹
題為並請建砌石工以保運道民生事該臣有得清河縣黃
河南岸下家汪險工長八十四丈緊接清口運東外營黃
淮二水交衝之區內臨積水深潭中僅一線土堤卑薄危
險內外受敵又天妃壩石工脩砌年久內有坍塌二段共
長四十二丈每年下埽脩防徒費錢糧不足以禦濇激之
勢均應一律償砌石工以資鞏固今據淮揚道叅議王謙
詳估下家汪創建石工估用工料銀一萬八千九百一十
八兩三錢七分一釐天妃壩拆砌石工估用工料銀九千

二百八十九兩五錢五分六釐二共估用銀二萬八千二百七兩九錢二分七釐並無浮冒造冊詳估前來臣覆覈無異不另請撥錢糧隨動支高堰石工節省銀二萬二千二百六十兩九毫二絲四忽改挑中河節省銀五千九百四十七兩九錢二分六釐七絲六忽給發外河同知南夢班辦料興備淮揚道王謀監工督催并原冊送部查覈外臣謹具

題伏乞

皇上睿鑒勅部議覆施行等因康熙四十一年三月十四日題

本月三十日奉

旨該部議奏欽此欽遵于四月初一日抄出到部該臣等議得
河道總督張鵬翮疏稱清河縣黃河南岸下家汪險工長
八十四丈外當黃淮二水交衝之區內臨積水深潭中僅
一線土堤卑薄危險內外受敵又天妃壩石工脩砌年久
內有坍塌二段共長四十二丈每年下埽脩防徒費錢糧
不足以禦湍激之勢均應一律償砌石工二共估銀二萬
八千二百七兩九錢二分零動支高堰石工及改挑中河
節省銀兩給發外河同知南夢璠與脩淮揚道王謙監工

督催等因前來查該督既稱下家汪險工土堤卑薄危險
內外受敵應飭建石工天妃壩石工坍塌二段應行拆砌
等語均應如所題作速建砌工完之日將用過錢糧數減
造冊題銷可也康熙四十一年四月二十日題本月二十

一日奉

旨依議速行

兵部尚書兼都察院右都御史總督河道提督軍務臣張鵬翔謹
題為建築月堤以保險工事該臣看得桃源該家庄險工黃
溜頂衝竄為險要每遇伏秋水發汕刷異常必應建築月
堤以為重門保障又本工大溜下移壩尾河壑坍塌漸近
堤根勢必下塌防護應將壩尾堤工加幫寬厚以作埽臺
今據署淮徐道印務管理河庫兵部員外郎張弼詳估月
堤工長六百一十六丈並壩尾堤工長一百二十丈共該
土方銀五千二百四十一兩六錢二釐九毫七絲委無浮
冒等因造冊前來臣覆覈無異不另請撥錢糧動支改挑

中河節省銀八百二十五兩二錢一分七釐七毫五絲一
忽五微堵塞嵇家閘節省銀四千四百一十六兩三錢八
分五釐二毫一絲八忽五微給發署桃源同知蘇稷等脩
築委郎中王進楫監工督催並原估冊送部查覈外相應
具

題伏乞

皇上睿鑒勅部議覆施行等因康熙四十一年三月二十日題
四月初五日奉

旨工部速議具奏欽此欽遵于四月初六日抄出到部該臣等

議得河道總督張鵬翔疏稱桃源該家庄險工黃泥頂衝
寂為險要每遇伏秋水發汕刷異常應建築月堤以為重
門保障又奉工大溜下移壩尾河崖坍塌漸近堤根勢必
下塌防護應將壩尾堤工加幫寬厚以作埽臺月堤工長
六百一十六丈壩尾堤工長一百二十丈共估土方銀五
千二百四十一兩六錢零動支改挑中河并堵塞嵇家閘
節省銀兩給發署桃源同知蘇櫻等脩築委郎中王進楫
監工督催等因前來應如該督所題速行脩築工完之日
將用過錢糧覈減造冊題銷可也康熙四十一年四月初

八日題本月初九日奉

旨依議速行欽此欽遵抄出到部移咨到臣准此隨經檄行該道遵照速行脩築去後今據淮徐道僉事張弼詳稱該家庄月堤工完核減造冊詳銷等因到臣據此該臣看得該家庄估築月堤加幫攔尾經臣

題估部覆應如所題脩築工完覈減造冊題銷等因奉

旨依議速行欽遵在案今據淮徐道僉事張弼詳稱該家庄月堤工長六百一十六丈攔尾堤工長一百二十丈原估土方銀五千二百四十一兩六錢二釐九毫七絲今工完核

減實用銀四千四百一十七兩四錢四分二釐六毫七絲
三忽節省銀五百二十四兩一錢六分二毫九絲七忽委
無浮冒造冊詳銷前來臣覆覈無異除原冊送部查覈外
相應具疏

題銷伏乞

皇上勅部覈銷施行等因康熙四十一年十一月十六日題十
二月初三日奉

旨着察核該部知道欽此欽遵于十二月初四日抄出到部該
臣等議得河道總督張鵬翮疏稱談家庄建築月堤并加

幫壩尾原估銀五千二百四十一兩六錢零今工完實用
銀四千七百一十七兩四錢零節省銀五百二十四兩一
錢零委無浮冒等因前來查前項建築月堤并加幫壩尾
用過銀兩該督既稱委無浮冒等語應准開銷節省銀兩
貯庫為河工之用可也康熙四十一年十二月十六日題
本月十八日奉

旨依議

兵部尚書兼都察院右都御史總督河道提督軍務臣張賜題
題爲高堰工程已竣敬陳保堤末議仰祈

睿裁事竊照高堰運料小河原屬窄淺經尚書范承勳等具

題議以不動公帑以加帑大堤取土挑挖面寬八丈底寬五

丈深五尺以資運料以保堤工九卿議覆應如所奏等因

奉

旨依議欽遵在案臣查此河南自周橋橫堤起北至武家墩止

乃屬無源之水必借堤內積水滙流入河方克有濟今臣
等會勘高堰工程並查驗分脩諸臣所捐運料小河雖報

完工但小黃庄一帶地形低窪見今堤裡積水與河面相
平若遇風浪汕刷堤根深為可虞蓋部臣初估時六壩未
閉一片皆水未得確實情形今工程已畢保固堤工竄為
緊要公議將原挑小河再加挑深使積水洩流河中由武
家墩蓋河出口以免汕刷堤工約需銀一萬餘兩不另請
撥發應將高堰大工節省銀內動支濟用早為竣工實與
高堰工程深有裨益緣係保固要工起見臣謹具疏

題請伏乞

皇上睿裁施行等因康熙四十一年五月二十八日題六月二

十五日奉

旨這河著照該督所題挑浚應否永遠存留該督確議具奏該部知道欽此欽遵工部移咨當行淮揚道叅議王謙淮徐道僉事張弼確議會詳到臣據此該臣看得高堰運料小河再加挑深使積水洩入河中由武家墩鹽河出口以免汕刷堤工與高堰工程深有裨益經臣具

題特奉

俞旨這河著照該督所題挑浚應否永遠存留該督確議具奏該部知道欽遵移咨到臣行據淮揚道叅議王謙淮徐道僉

事張弼等議詳前來查高堰一帶堤根地形窪下積水浸
汕堤根難免坍塌之虞今若將運料小河再挑深通一以
宣洩堤根積水一以運送脩工料物而且通商便民利益
不淺或慮土塘水洩偶致稍淤每俟春融令河兵撈浚草
欄六座每年備葺以收束水勢應宜永遠存留以保堤利
民隨據該道等估計共應挑新土一十六萬六千八百一
十八方三釐四毫四絲三忽每方銀九分共銀一萬五千
一十三兩六錢二分三釐九絲八忽七微估建草欄六座
共銀四百五十三兩一錢二分通共銀一萬五千四百六

十六兩七錢四分三釐九絲八忽七微造具估冊一併呈
詳臣覆加確核無異應動支高堰大工節省銀兩委通判
朱廷植等照估價挑脩建淮揚道叅議王謙監工督催并
原冊送部查覈外相應具

題伏乞

皇上睿鑒勅部議覆施行等因康熙四十一年八月初六日題
本月二十四日奉

旨工部議奏欽此欽遵于八月二十五日抄出到部該臣等議
得先經河道總督張鵬翮將高堰運料小河應再加挑深

等因具題奉

旨這河着照該督所題挑浚應否永遠存留該督確議具奏欽
遵行文去後今據該督疏稱高堰一帶堤根地勢窪下積
水浸汕堤根難坍卸之虞今若將運料小河再挑深通
一以宣洩堤根積水一以運送脩工料物而且通商便民
利益不淺應宜永遠存留以保堤利民挑河并建束水草
壩共估銀一萬五千四百六十六兩七錢零動支高堰大
工節省銀兩委通判朱廷植等備挑脩建等因前來查該
督既稱高堰一帶堤根地勢窪下積水浸刷堤根應將運

料小河再加挑深建草壩束水永遠存留宜洩積水等語
應動高堰大工節省銀兩挑河建壩永遠存留以保堤工
工完之日將用過銀兩覈減造冊題銷可也康熙四十一年
九月十四日題本月十六日奉

旨依議

兵部尚書兼都察院右都御史總督河道提督軍務臣張鵬翔謹
題為欽奉

上諭事康熙四十年十月二十六日准工部咨前事該臣看得
高家堰効力大臣官員等議叙一案准工部咨稱俟南河
工完總河查明具題到日再行議叙等因移咨到臣臣同
總漕桑格會勘工程已完另疏具

題外臣查部咨內原任巡撫王起元線一信金鉉銜既濟陳
汝器宮夢仁原任左都御史董訥原任學士李應鴈永定
河捐銀已完今在南河未捐銀親身効力領帑備工俱已

全完原任尚書王日藻原任總督朱弘祚永定河捐銀已
完南河未捐銀領帑脩小黃庄堤工一段完竣原任巡撫
江有良永定河捐銀已完南河未捐銀係差伊孫江夢筆
領帑脩小黃庄堤工一段完竣又查檔案內原任侍郎楊
雍建南河領帑承脩小黃庄堤工一段完竣又捐力銀五
千兩全完准其回籍原任總漕馬世濟南河未捐銀親身
効力領帑脩工俱已全完學道王式穀南河捐銀二千兩
學道陸鳴珂南河捐銀四千兩學道姚淳燾才河捐銀三
千兩學道陸德元南河捐銀二千兩學道劉謙吉南河捐

銀二千兩俱已全完俱親身効力領帑承脩高家堰工程
全完江南學院張榕端南河捐銀八千兩浙江學院張希
良南河捐銀三千兩浙江學院鄭開極南河捐銀一千兩
學道汪薇南河捐銀二千兩侍讀學士史夔南河捐銀一
千兩俱已全完俱在高家堰防險効力原任布政使王毓
賢南河捐銀五千兩全完領銀承挑裴家場引河工程全
完原任少詹事前學道邵遠平南河捐銀三千兩全完領
銀承築挑水壩工程全完又分挑陶庄引河工完復淤應
賠銀一千七百三十七兩三錢零亦已交完學道王瑄南

河捐銀三千兩全完分挑陶庄引河工完學道史陸興南
河捐銀二千兩全完領帑承脩高堰工程全完又分挑陶
庄引河工完復淤應賠銀四百九十二兩六錢零未完學
道岳宏譽南河捐銀二千兩全完領帑承脩高堰工程全
完又分挑陶庄引河工完復淤應賠銀一千七百八十九
兩四錢零尚未完交學院朱阜南河捐銀五千兩全完分
挑陶庄引河工完復淤應賠銀四千八百五兩六錢零未
完學道高爾公南河捐銀二千兩全完分挑陶庄引河復
淤應賠銀四千二百兩六錢零高爾公今已病故行原藉

追銀尚未完交原任同知連璧在南河捐銀三千兩全完
領帑承脩車邏滾水大壩工程全完原任郟襄道蔣興芑
南河捐銀四千兩全完見在工効力同知蘇稷南河捐銀
二千兩全完見在工効力河南開歸守道周銓元南河捐
銀五千兩全完未到工効力知府蕭星拱同知李梅通判
朱廷植胡琪邊聲威原任同知鄧之琮常維禎劉光業羅
京原任通判孫調鼎縣丞翁煜守脩夏景松各領帑協脩
高堰等處工程趨事効力俱各全完員外郎王登魁通判
甯維邦領帑堵塞茆家園夏家橋二壩堅固全完如此險

要工程盡心償堵勞績宜敘陞任淮徐道副使施世綸管
理高堰工程錢糧出納清楚准揚道叅議王謙保守高堰
工程竭厥趨事理合一併叙明聽候部議解任巡撫高承
爵領帑承脩高濶工程一段內有七十丈墊陷奉

旨着自往河工脩理見在脩理尚未完工再查檔案內雖有捐
力學道左峴完銀四千兩莊朝生完銀三千兩王那完銀
二千兩吳自肅丘園卜張光等各完銀一千兩但久已回
籍並未在工効力無勞績可叙原任知縣金玉瑩捐銀二
千兩未完咨部移該旗都統行追尚未完交相應具

題伏乞

皇上睿鑒勅部議覆施行

兵部尚書兼都察院右都御史總督河道提督軍務臣張鵬翮謹
題為

題報高家堰工程完竣事康熙四十一年二月十二日准工
部咨開都水清吏司案呈奉本部送工科抄出該本部獲
河道總督張鵬翮題前事等因康熙四十年十一月二十
五日題十二月十二日奉

旨該部知道欽此欽遵于十二月十三日抄出到部該臣等議
得河道總督張鵬翮疏稱高堰堤工部臣范承勳等分為
三段脩築先築小黃庄至周橋一段已經部臣奏報在案

迨後奉

旨命臣督催臣逐段督催目擊分脩臣原任巡撫王起元線一
信金鉉陳汝器宮夢仁原任學士李應鳳原任總漕馬世
濟等親往工所盡心脩築効力學道陸鳴珂等協脩廳員
李梅等亦皆急公趨事陸續折周橋至棠梨樹武家墩至
小黃庄臨湖鑲柴加幫裡錢工程各照段俱報完工又續
題准脩之秦家高岡新大堤等處堤工亦俱報全完查部
臣范承勳等原題疏內有工竣會同總漕交與總河責令
經防官照例保護搶脩等語今工程已完應會同總漕臣

查勘收工令經防官照例保固用過錢糧俟覈實造冊題
銷等因前來查高堰小黃庄等處臨湖錄柴加幫裡戢并
秦家高岡等處堤工既經報完應令總河會同總漕查勘
如果工程合式堅固以收工之日起令地方經防官照例
保護搶脩高家堰關係緊要應令該督時時督率道員等
官巡查毋致疎虞至用過錢糧該督應作速覈明造冊具
題可也康熙四十一年正月二十八日題二月初二日奉
旨依議速行欽此欽遵抄出到部等因移咨到臣准此當經檄
行淮揚淮徐二道叅議王謙署淮徐道事管理河庫兵部

員外郎張弼造冊詳送覈

題等因到臣據此該臣看得高堰小黃庄等處臨湖銀柴加
幫裡錢并秦家高岡等處堤工完竣經具

題報部議令臣會同總漕查勘收工照例保護至用過錢糧
作速覈明造冊具題等因奉

旨依議速行欽遵在案除會同總漕臣桑格查勘已經會疏
題報外所有用過錢糧行據淮揚道叅議王謙署准徐道事
管理河庫兵部員外郎張弼詳稱部撥高堰大工銀一百
二十八萬五千四百四十九兩自小黃庄起至周橋止加

幫內餞工長五千六百一丈九尺六寸共用土方埽料銀
一十八萬九千二百六十一兩四錢四分六釐一毫三絲
九忽六微臨湖鑲柴共用銀三萬七千四百六十九兩三
錢九分四釐二毫六絲又龍門壩工續

題鑲柴一路共用銀一千一百七兩八錢四分四釐四毫又
自武家墩起至小黃庄止加幫內餞工長六千五百三十
五丈二尺共用土方埽料銀二十萬五千四百六十六兩
八錢四分九釐二毫七絲三忽五微一纖臨湖鑲柴共用
銀四萬八千八十五兩四錢九釐又自周橋起至棠梨樹

止加幫內錢工長二千九百四十一丈六尺七寸共用土
方埽料銀一十一萬六千一百三十四兩七錢六分五釐
五毫八絲九忽臨湖鑲柴共用銀二萬七千三百七十六
兩四錢六分六釐三毫六絲八忽以上三工通共用過銀
六十二萬四千九百二兩一錢七分五釐三絲一微一纖
內有高澗大壩錢工七十丈估銀二千二百二十八兩五
錢二分分脩解任巡撫高承爵現在脩補尚未完竣俟工
完之日驗明另行

題銷今實銷銀六十二萬二千六百七十三兩六錢五分五

釐三絲一微一纖較比原估節省銀六十六萬五百四十
六兩八錢二分四釐九毫六絲九忽八微九纖又

題准加高柴工自武家墩至棠梨樹止工長一萬四千九百
八十一丈二尺三寸估用銀二萬九千三百三十一兩一
分四釐七毫二絲內有分脩原任總漕馬世濟高堰大壩
加鑲柴工內節省銀四百四十九兩八錢八分又因林格
葺石工倒塌牽卸柴工應追銀八百四十四兩九錢九分
二釐鄧之琮透領銀一百一十八兩三錢二分已經繳庫
實用銀二萬七千九百一十七兩八錢二分二釐七毫二

絲又天然壩南起至秦家高岡止一律銀柴工長八百九十四丈估用土方柴束銀一萬九百六十三兩五錢五分八釐二毫一絲內節省銀一千六十八兩五錢七釐二毫二絲尚未繳庫實用銀九千八百九十五兩五分九毫九絲又武家墩山陽交界起至清河運口裴家場口門止臨湖簽釘排樁并加幫劉築堤工長一千二百七十二丈估用土方工料銀二萬一千八百一十七兩八錢九分七釐三毫內節省銀一千一百二十四兩七分七釐五絲已經繳庫實用銀二萬六百九十三兩八錢二分二毫五絲又

估築高湖清水潭越堤工長九十六丈實用銀九千三百
五十八兩七錢二分八釐二毫五絲應于原任巡撫江有
良衛既齊家屬追還又高湖大壩創築月堤工長二百五
丈五尺實用銀九千四百四十四兩八分七釐五毫以上
五工實應銷銀七萬七千三百九兩五錢九釐七毫一絲
查無浮冒相應造冊報銷再查自古溝南起至林家西止
創建石工續經改估止需銀二十萬二千一百八兩七錢
二分八釐六毫四絲前發過銀二十萬七千一百三十九
兩三錢三分六釐八毫四絲計透領銀五千三十兩六錢

八釐二毫現在催繳又高澗大壩密釘排椿丁下埽箇原
估銀一萬二千五百五十兩三錢六分六釐發過銀一萬
一千二百九十五兩三錢四分又補脩高壩大壩并六安
溝倒卸石工原估銀一萬六千二百四兩七錢一分四釐
四毫八絲發過銀一萬五百兩又補脩高澗汛未完層次
石工原估銀九千二十一兩四錢一分六釐二毫八絲發
過銀八千一百一十二兩一錢七分九釐五毫三絲五忽
三微九纖又加高龍門壩卑矮石工原估銀五千五百三
十九兩六錢六分九釐一毫發過銀四千九百八十五兩

七錢二釐一毫九絲又脩建天地間工允估銀二萬八千二百四十二兩九錢四分九釐二毫四絲發過銀一萬五千兩以上各工現在興脩陸續早發銀兩脩完另行報銷又王家口等處估釘排橋因臨湖鍊柴並估建石工亦屬堅固則前估排橋節省停止已經

題報在案所有員外郎王登魁等領脩夏家橋排橋銀一千兩已經繳庫又脩防挑水壩

題明借動銀二千兩應俟追出金玉塋捐銀還項原任巡撫衛既齊運料河未完動用銀七百六十二兩應于衛既齊

家屬照追還項以上共止筭發過銀二十五萬四千七百六十三兩九錢五分三毫六絲五忽三微九纖合績

題各工通共發過銀三十三萬二千七十三兩四錢六分七絲五忽三微九纖計應存庫銀三十二萬八千四百七十三兩三錢六分四釐八毫九絲四忽五微內各分脩督撫及學道廳員透領及未領節省並李雯等透領石工銀兩等項應繳銀四萬七千五百七十五兩一錢一分二釐四毫六絲六忽八微九纖內原任總督朱弘祚應繳透領銀二千一百五十八兩六錢五分原任巡撫江有良應繳透

領銀四千五百四十五兩三錢一分五釐二毫二絲四忽
原任總漕馬世濟應繳透領銀八千四百二十七兩九錢
五分九毫四絲二忽四微原任巡撫線一信應繳透領銀
七千六百五十七兩一分四釐三毫八絲六忽原任巡撫
宮夢仁應繳透領銀四千六百二十二兩一錢五分六釐
五毫七絲六忽原任巡撫陳汝器應繳透領銀三千五百
五十九兩五分九毫五絲原任巡撫衛既齊應繳透領銀
一千二百七十九兩五錢七分九絲原任學道劉謙吉應
繳透領銀三千四百四十五兩四錢四分七釐六毫原任

學道史陸興應繳透領銀一千三百九十三兩六錢三分
八釐一毫八絲四忽原任學道岳宏譽應繳透領銀一千
七百三十三兩二錢九釐五毫五絲四忽原任學道陸鳴
珂應繳透領銀二千三百九十七兩一錢二分九釐二毫
五絲四微九纖候補知府李雯等應繳透領石工銀五千
三十兩六錢八釐二毫原任同知劉光業等應繳節省銀
一千六十八兩五錢七釐二毫二絲原任通判孫調鼎應
繳透領銀二百五十六兩八錢六分四釐二毫九絲實存
銀二十八萬八百九十八兩二錢五分二釐四毫二絲七

忽六微一纖又收原任左都御史董訥餘外節省銀五百一十三兩九錢九分二釐九毫五絲又收鄧之琮貽還壩工牆土銀一百四十六兩一錢六分現實存銀二十八萬一千五百五十八兩四錢五釐三毫七絲七忽六微一纖其透領未繳銀兩係旗人行該旗都統俟漢人行該省巡撫照追解還清項等因冊詳前來臣覆覈無異除原冊送部查覈外相應具疏

題銷伏乞

皇上睿鑒勅部覈銷施行等因康熙四十一年六月初二日題

本月十九日奉

旨着察核該部知道欽此欽遵于六月二十日抄出到部該臣等議得河道總督張鵬翮疏稱高堰等處臨湖鑲柴加幫裡戧堤工完竣將實用及節省銀兩造冊奏銷等因前來查小黃庄等處鑲柴及幫堤工程先經尚書范承勳等裁減土方埽料等銀四十九萬八百兩零奏明在案今通共告竣共用銀六十二萬二千六百七十三兩六錢五分零前後通共裁減并節省銀六十六萬五百四十六兩八錢二分零該工既經總河張鵬翮總漕桑格會勘合式完竣

應將用過銀兩准其開銷至高承爵領築高澗大壩截工
未完應作速催完造冊題銷又疏稱節省銀兩之內武家
墩等處加高柴工并創築月堤秦家高岡等五工共用過
銀七萬七千三百九兩五錢零查無浮冒林家西等處創
建石工并脩高堰高澗六安溝龍門壩天妃閣等石工發
銀二十五萬二千一兩九錢零工完題銷又脩防挑水壩
借動銀二千兩應俟追出金玉璧捐銀還項衛既齊及各
員未完透領等銀四萬八千三百三十七兩一錢零應照
追還項實存銀二十八萬八百九十八兩二錢五分零等

語查武家墩等處加高柴工并創築月堤及秦家高岡五
工該督既稱委無浮冒應准開銷其林家西等處工程撥
發銀兩應俟工完題銷之日查核至金玉璧捐銀已經行
旗追取衛既齊及各員未完銀兩應行該督作速追完報
部實存高堰大工節省銀二十八萬八百九十八兩二錢
五分零又董訥敏還節省及鄧之琮賠還壩工銀共六百
六十兩一錢五分零俱貯庫為河工之用可也康熙四十
一年閏六月十一日題本月十四日奉

旨依議

兵部尚書兼都察院右都御史總督河道提督軍務臣張鵬翔謹
題為並脩烟墩越堤以保工程以衛城社民生事該臣看得
桃源城西烟墩埽工夙稱險要今年黃水大長積至二十
四日不消大溜直射堤根甚為危險臣在安東工次聞報
即星夜過往督率河官竭力搶護已下埽接崖見在釘椿
套埽期保無虞隨據桃源士民喬世植等呈稱烟墩堤下
近城有越堤一道年久殘缺應加築高寬既可保護險工
又可捍衛城池等語臣即率河官親勘形勢果于河工民
生兩有裨益但舊越堤只築近城一半年久殘缺卑薄而

臨湖一帶地勢低窪之處必接築堤工與越堤相連方可
包固險工擇禦有資約估加帑越堤長五百七十八丈接
築堤工長五百九十三丈約共需帑一萬九千四百四十
八兩零因水大未消工程關係緊要照例動帑委桃源縣
知縣杜學林等尅期興脩另疏

題估外所有應脩越堤情形理合

題明伏乞

皇上睿鑒勅部迅覆施行等因康熙四十一年閏六月十六日

題七月初三日奉

旨工部速議具奏欽此欽遵于七月初三日抄出到部該臣等
議得河道總督張鵬翮疏稱桃源城西烟墩埽工夙稱險
要今年黃水大長不消大溜直射堤根甚為危險臣聞報
星夜遄往督率河官竭力搶護已下埽接崖覓在釘椿套
埽期保無虞據士民喬世楨等呈稱烟墩埽下近城越堤
年久殘缺應加築高寬既可保護險工又可捍衛城池臣
親勘果于河工民生兩有裨益但舊越堤年久殘缺卑薄
而臨湖低窪之處必接築堤工與越堤相連方可包固險
工捍禦有資約估加幫越堤接築堤工共需帑一萬九千

四百四十八兩零工程關係緊要照例動帑興脩另疏題
估等因前來查該督既稱烟墩埽工黃溜直射險危請將
堤下近城越堤加幫并接築堤工可以保護險工并捍衛
城池等語應如所題速行幫築其需用錢糧細數確估具
題可也康熙四十一年七月初五日題本月初十日奉

旨依議速行

兵部尚書兼都察院右都御史總督河道提督軍務臣張鵬翔謹
題為亟請加幫卑矮堤工事該臣看得山陽黃河南岸老壩
口起至小車路口止矮堤卑薄堤外原有淤灘可恃今據
淮揚道叅議王謙詳稱近因黃水大漲溜走南岸淤灘刷
去危險堪虞亟宜加幫高厚以資保固計工長一百三十
九丈估用土方銀一千九十二兩六分委無浮冒造具估
冊并請發帑興脩前來臣覆覈無異不另請撥錢糧因水
大工程緊要除動支高堰大工節省銀兩給發外河同知
南夢班等幫築并原冊送部查覈外相應具

題伏乞

皇上睿鑒勅部議覆施行等因康熙四十一年閏六月二十六日題七月十二日奉

旨工部速議具奏欽此欽遵于七月十三日抄出到部該臣等議得河道總督張鵬翮疏稱山陽黃河南岸老壩口起至小車路口止縋堤卑薄堤外原有淤灘可恃近因黃水大漲溜走南岸淤灘刷去危險堪虞亟宜加幫高厚以資保固工長一百三十九丈估用土方銀一千九十二兩零動支高堰大工節省銀給發外河同知南夢班等幫築等因

前來查該督既稱黃水大漲溜走南岸老壩口起至小車路口止綏堤卑薄危險可虞並應加幫等語應如所題速行幫築工完將用過銀兩核減造冊題銷可也康熙四十年七月十五日題本月十八日奉

旨依議速行

兵部尚書兼都察院右都御史總督河道提督軍務臣張鵬翮謹
奏爲欽奉

上諭事康熙四十一年六月十八日于歸仁堤勘工處所接准
內閣移文內開內閣移咨總河張鵬翮康熙四十一年六
月初三日大學士伊桑阿馬奇張玉書吳興熊賜履學士
來道常壽錢國紀爾塔渾王九齡曹鑑倫劉光美等奉
上諭朕因永定河南岸不時衝坍特旨令將南岸脩築石堤看
來甚有裨益今黃河兩岸自徐州以下至于清口通行脩築
石堤可否永遠有益若果有益現在庫帑不爲缺少朕于錢

糧一無所惜脩築此堤應于何處採取石料作何轉運約幾年可以告成着張鵬翮齊集河員詳議具奏等因為此移咨等因到臣欽此仰見我

皇上仁德如天欲河定民安萬世永賴之盛心也臣以事關重大隨調集衆河官詳議咸稱堤岸建脩石工必得地基堅實釘椿砌石始有捍禦之資若黃河水性無常遷徙靡定沙土虛鬆險工之虞水深三四丈不等難以釘椿若另築越堤脩砌石工而臨河險工每年歲脩仍不可廢恐致重費錢糧若棄險工而不脩異漲之水勢若排山又恐石工

有埧卸之虞即如高堰土性堅實從前所脩龍門大壩等
石工尚有埧卸之虞況黃河鬆虛之地乎故黃河止有徐
州之邳家嘴清河之惠濟祠緣山根土岡量脩石工其餘
兩岸並未通行興脩誠以土有虛實之不同也且委員查
勘黃河自清口至徐州南岸長六萬六千七百零一丈五
尺約需銀一千二百七十八萬五千九百六十兩五錢零
北岸除山岡不脩堤外計長五萬四千三百九十八丈二
尺約需銀九百九十九萬七百六十二兩五錢零工巨費
繁曠日持久錢糧易致花費告成難以豫料臣等愚昧所

以未敢輕爲擬議伏惟我

皇上聖明天縱治河方略咸荷

聖謨指授乃克底績臣等識見卑陋實無補于涓滴謹將黃河
兩岸土性虛鬆遷徙靡常情由據實

奏明其應否脩砌石工之處伏候

睿裁為此具摺由內閣轉

奏

兵部尚書兼都察院右都御史總督河道是督軍務臣張鵬翔謹
題為亟請加築越堤以資保固險要工程事該臣看得今歲
自伏汛以來水勢大漲情形曾經

題報在案今據淮揚道叅議王謙詳稱山陽外河韓尹二庄
素稱險要茲值水長逾月堤根浸虛又被洪濤衝擊埽箇
勢陷堤岸卽卽危險堪虞見今日夜竭力搶護務期保固
但水勢甚大不得不多方預防查該工堤裡有運料河堤
卑矮難恃且兩頭原無格堤接連縷堤急應加築寬厚作
為越堤以為重門之障二共工長八百八十丈又幫築韓

家庄壩臺工長八十丈約估工料銀一萬六千六百餘兩
等因前來臣親勘無異因水大保固險工關係甚為緊要
照例動帑給發外河同知南夢璠等上緊興脩一面確估
造冊另疏具

題外謹將工程緊急照例先行發帑情由具疏

題明伏乞

皇上睿鑒迅賜施行等因康熙四十一年七月初二日題本月

十八日奉

旨工部知道欽此欽遵于七月十九日抄出到部該臣等議得

河道總督張鵬翔疏稱山陽外河韓尹二庄素稱險要茲值水長逾月堤根浸虛又被洪濤衝擊埽箇蟄陷堤岸坍塌危險堪虞見今日夜竭力搶護務期保固但水勢甚大不得不多方預防急應加築越堤以為重門之障工長八百八十丈又幫築韓家庄壩臺長八十丈約估銀一萬六千六百餘兩因關係緊要照例動帑發給外河同知南夢班等上緊興脩一面確估另疏具題等因前來查埽箇蟄陷堤岸坍塌之處應着令經防各官作速賠脩完固其韓尹二庄既稱應加築越堤幫築埽臺等語應如所題速行

幫築所需工料銀兩確估具題可也康熙四十一年七月二十八日題八月初五日奉

旨依議速行

兵部尚書兼都察院右都御史總督河道提督軍務臣張鵬翮謹
題為恭報微勘明黃運兩河水勢漸消隄防保固仰慰

聖懷事竊照今年伏汛水勢大長甚久已于恭報伏汛水勢情
形疏內

題明在案詎意

題報後水勢猶復浸長黃河兩岸之烟墩車路口韓家庄董
家營鄭家馬頭二塘王家堂戚字堡狼矢溝雖背壩顧家
庄等處險工屢報危險又高家堰湖水積長于閏六月二
十三四至七月十四等日常起西風大暴巨浪拍擊堤岸

處屢報險臣四下奔馳親督各汛官晝夜竭力搶救幸獲無恙但積水難消堤根浸虛風浪撞擊在在堪虞正在籌畫宣洩之際見惠濟祠下黃水漸落三四寸從此各汛亦報漸消據山安同知袁陳佩報稱閏六月二十六日大口下二十餘里有西礪汛之臧家溝值黃水頂衝漫開約三百餘丈河流不移探看水勢分支由運料小黃六十里直出海口分洩黃溜以致水勢漸消而各處險工得保無虞臣聞報過往查勘臧家溝以下俱係一片蘆蕩溢出水由運料河至八灘會同正河入海查此處在大通口下

原屬海濱曠衍無關運道民生乃先年宣洩黃流入海之
處原無堤工自前河臣靳輔因黃淮未會故創築絳堤水
大聽其漫溢水落仍復歸漕于工程絕無妨碍查舊案內
靳輔曾云河道大壞之日非築堤不能束水河道已俱寬
深此堤雖有坍卸亦屬無碍等語今淮黃會流通暢兼之
今年水勢異漲大通口以下堤岸逼窄實難容納正可仍
留此處口門宣洩異漲以保上源各處險工俟水落淤淺
再行相度形勢或堵或留酌議奏

聞臣勘馬家港口門漸淤全黃盡趨大通口寬濶通暢八灘以

下海口積沙盡去極其深通復勘烟墩等工各官奮力搶
護見在平穩運河工程亦俱保固平穩高家堰六壩一帶
工程遇有汕刷隨即脩補平穩前疏內

題明宣洩異漲之鮑家營茆良口天然壩清水潭等口門俱
可暫停開放其下河一帶稻禾成熟民居晏然臣所遍歷
之廠據土人咸稱今年水勢大過三十五年幸賴

聖主軫念民生指授治河方略精詳周至以至河底深通堤岸
堅固小民獲享盈寧感頌

聖恩歡聲遍野除秋汛情形至期照例另疏

題報外臣思我

皇上仁德如天無時不以河工為念所有目前微臣勘明水勢
漸消隄防保固情形理合具疏報

聞恭慰

聖懷伏乞

皇上睿鑒施行等因康熙四十一年七月二十二日題八月初
八日奉

旨該部知道欽此欽遵于八月初九日抄出到部該臣等議得
河道總督張鵬翮疏稱伏汛水勢大長甚久于恭報伏汛

後猶復浸長黃河兩岸烟墩車路口等工屢屢報險臣四
下奔馳晝夜搶救幸獲無恙但積水難消堤根浸虛正在
籌畫宣洩見惠濟祠下黃水漸落從此各汛亦報漸消大
通口下有西礪汛之臧家溝值黃水頂衝漫開由運料小
河直出海口查勘臧家溝以下俱係蘆蕩原屬曠衍無關
運道民生今准黃會流通暢兼水勢異漲大通口以下所
窄難容可仍留此口門宣洩以保上源各處險工俟水落
淤淺再相度形勢或堵或留酌議奏

聞烟墩等工運河工程高家堰六壩工程俱脩補平穩等因前

來查烟墩等處工程既稱俱保固平穩毋容議至戚家溝
先經該督疏稱漫溢過水三百餘丈俟水落堵築臣部覆
令即行賠脩完固將疎防各官題叅在案戚家溝等處地
方向築絳堤束黃水由大進口入海衝開三百餘丈應即
令賠脩今該督既稱俟水落相度形勢或堵或留酌議奏
聞等語應俟具題到日再議至疎防各官仍行該督題叅可也
康熙四十一年八月二十四日題本月二十六日奉

旨依議

兵部尚書兼都察院右都御史總督河道提督軍務臣張鵬翮謹
題為恭報秋汛水勢情形事該臣看得今年秋汛黃運湖河
水勢情形據各廳呈報黃河自徐州以至海口加長六尺
四寸及三尺九寸不等然皆漸次消落兩岸歲搶工程相
機脩防俱各平穩馬家港前此水深數丈今已淤平黃水
盡由大通口暢出海口極其深通其大通口逆下之臧家
溝漫水今由高門港口門歸入正河入海中河之水由蘆
河及劉老澗減壩分洩淮揚運河之水由涇澗人字芒稻
等河分洩各處工程俱皆脩防平穩歸仁堤工程亦俱防

守平穩高家堰及六壩工遵

旨加謹保固盡地防守隨時搶脩隄防俱保固平穩其高承爵
承脩高澗大壩未完工程現在嚴催脩理如再遲延另疏
題報天然二壩竟未開放扶淮水使強暢出清口以敵黃水
大長之勢今伏秋二汛黃淮並漲大過三十五年之水賴
有挑水壩加築寬長逼黃河大溜直趨陶庄引河循北岸
而行引河首尾刷成大河故清水得以暢出黃水絕無倒
灌之虞立大墩一望滿河皆屬清水惟見一線黃流河濱
土著耆老嘆以為從古未有今年入夏始而雨水連綿繼

而水勢大長幸河道深通水由地中行即如高寶興泰等
處寂稱窪下俱得田禾收穫民居晏安黃童白叟感頌
聖主威德豐功拯救數百萬生靈出昏墊而登樂土歡聲雷動
遍于郊原此皆我

皇上指畫周詳

聖謨獨斷乃克臻此所有秋汛水勢情形理合具疏

題報伏乞

皇上睿鑒施行等因康熙四十一年九月初六日題本月二十

日奉

旨覽奏挑水壩築成通黃河大溜直趨陶庄引河循北岸而行
黃河從大通口暢出海口極其深通淮水從清口暢流敵黃
絕無黃水倒灌之虞高家堰堤工完固加謹防守經伏秋大
漲俱獲平穩運河水由涇河澗河人字芑稻等河分洩各處
工程亦皆保固知道了該部知道

兵部尚書兼都察院右都御史總督河道提督軍務臣張鵬翔謹
題為欽奉

上諭事康熙四十一年五月二十日准工部咨開都水清吏司
案呈查得魏河張鵬翔咨稱運料河堤應追缺少土方并
王公堤排椿數減銀兩迄今尚未完解據淮揚淮徐二道
詳稱御史廖騰燧條陳追賠河工銀兩定限半年原指漫
缺賠修工程而言此行追未完缺少土方並數減銀兩應
照承追雜項錢糧之例行追相應咨達等因前來查定例
內堤岸衝決河流不移者將管河各官俱革職戴罪勒限

半年賠修分司道官俱各降四級督賠應賠銀兩亦照賠修之例處分等語未完缺少數減等銀俱係應賠銀兩廖騰燧條奏甚明應行該督仍照新例扣追如限滿不完照例題叅可也為此合咨前去查照施行等因到臣准此當行各該道遵照去後今據淮揚道叅議王謙淮徐道僉事張弼會詳到臣據此該臣看得承追河工銀兩應照雜項錢糧例扣限經臣咨明工部續准部議仍照新例扣追等因移咨到臣隨行淮揚淮徐二道轉飭遵照行追去後今據淮揚道叅議王謙淮徐道僉事張弼詳稱承追之員與

承修之員不同伏查

定例堤岸衝決河流不移管河各官戴罪賠修工完開復限內不完則將承修各官分別降革未完工程仍令賠修又云應賠工程動帑修葺者甚多將此應賠銀兩亦照賠修之例勒限處分等語細釋例意原指承修之員而言即如康熙四十一年三月內直隸巡撫李光地

題叅大興縣知縣王廷聘承追劉文燦應賠銀兩又限滿無完部議照雜項錢糧未完例降俸二級勒限督催是承追之員不同於承修之員明矣案查河工一切應追銀兩各

在欠帑之人均與見任道廳無涉前經咨達工部照雜項錢糧例行追正與議處王廷聘之案相符未經部准今查河官駐宿工所較之地方有司安坐衙署者不同每遇桃伏秋汛搶救工程衝風冒浪寢食不遑若併責之追比逋欠勢難分身一經違限概照新例處分官如傳舍人盡寒心惟有尸位半年坐待叅革無論欠帑終無完日切恐工程亦與俱誤且同一應賠之銀同一承追之員劉文燦一案在大興縣知縣王廷聘已照雜項錢糧之例議覆奉旨依議欽遵在案則承追河工一切銀兩應援王廷聘之例均

照不作十分之雜項錢糧一例勒追於理允協請

題為例等因前來臣查河工承追銀兩自改一年為半年之
限時日迫促欠帑者措辦不及承追之官徒添處分之累
究於帑項無裨合無仍照一年之例歲月寬舒欠帑者易
於措湊完交倘有違限無論河員州縣俱照雜項錢糧例
議處例限畫一可杜推諉之弊臣謹具疏

題請伏乞

皇上睿鑒勅部議覆施行等因康熙四十一年九月初六日題
本月二十二日奉

旨該部知道

兵部尚書兼都察院右都御史總督河道提督軍務臣張鵬翮謹
奏為仰賴

聖謨河工底績恭請

睿裁指示善後機宜事欽惟我

皇上勵精圖治中外敎寧

聖德神功亘古莫並獨有河工一事每虞

睿慮念

國計民生攸係

親臨閱視洞悉原委區畫精詳

宸衷獨斷指授方畧盡拆攔黃壩以通海口加築挑水壩開陶
莊引河以導黃流北行加培高堰堵築六壩以束淮敵黃
挑張福口裴家場張家莊等引河以暢淮流修築歸仁堤
堤河開座以節宣睢水加築黃河堤所以固隄防堵邵伯
更樓等口以利轉輸塞時家馬頭以杜黃水旁溢修理運
河兩所排椿濬深運河改修中河以利漕運疏人字芒稻
河涇澗等河以洩運河異漲之水挑海溝蝦鬚等河以洩
下河積水新建高郵南關車邏等處滾水壩以資蓄洩開
王家營減壩挑鹽河以洩清黃異漲之水完咸字堡等引

河逢灣取直以分水勢一應緊要工程次第修理俱已完
畢今歲伏汛大水黃淮並漲逾月不消水勢大過三十五
年依然隄防保固淮水敵黃海口通暢目今運道深通民
田耕種黃童白叟感戴

天恩咸頌

聖主天縱神智又不惜數百萬帑金治河底績拯救億萬生靈
出昏墊而安樂土歡聲如雷洋溢郊原此皆我

皇上睿慮周詳

聖謨獨斷燭照於事前符驗於事後

德同天地

功邁百王誠萬世永賴之偉績也微臣自慚學識淺陋前此治

河工程皆荷

皇上指示今工程修畢經過大水之後一切善後機宜伏乞
皇上親臨指示不特微臣知所遵循即東南黎庶亦得遂瞻
天仰

聖之望矣臣謹具疏繪圖差淮徐道張弼同知李梅恭呈
御覽伏候

聖裁等因康熙四十一年九月十五日題十月初五日奉

旨已有諭旨了該部知道繪圖併發

河圖總說

欽惟我

皇上德侔天地澤被寰區武功耆定文德覃敷功化之隆亘古
莫比其盛河工一事猶塵

容慮今仰賴

聖謨平成底績方畧周詳名言莫罄謹攷黃河自崑崙歷雍豫
兗徐至淮之清口會淮而入海淮瀆自洛及鳳歷盱泗至
清口會黃而入海是清口為河道之關鍵也但黃勢恒強
而淮勢恒弱必有以抑其強而扶其弱乃資其利自前河

臣誤築欄黃壩而海口淤塞六壩潰決而淮水東注二潰不交

國計民生俱受其敝矣我

皇上天縱神智軫恤民生

三巡河道洞悉形勢

宸衷獨斷

指畫精詳如折欄黃壩以通海口築挑水壩濬陶莊引河以疏黃流開張福口裴家場等河以導淮水加培高堰堅築六壩以束淮敵黃而淮黃交會矣濬運河增漕堤而運道安

開人字芒稻等河引水注之江濬涇澗海溝蝦鬚等河引
水注之海而下河治其他疏築工程具有成效而最要者
在清口大閘黃淮交會雖遇伏秋異漲依然清淮暢出通
黃遠避絕無倒灌順軌安流淮揚一帶黃童白叟歡欣鼓

聲感頌

皇仁謂為數十年來所未有此皆我

皇上睿謨深遠

聖慮精微臣愚惟有潔已奉公盡瘁河干以稟遵

成算而已茲值工完理合繪圖恭呈

御覽

兵部尚書兼都察院右都御史總督河道提督軍務臣張鵬翮恭
進

兵部尚書兼都察院右都御史總督河道提督軍務臣張鵬翮謹
題為據呈代

題恭請

聖駕采春早臨河工以慰臣民願望事據文華殿大學士兼禮
部尚書致仕張英原任福建巡撫宮夢仁日講官起居注
翰林院侍讀學士史夔翰林院編修吳世燾翰林院庶吉
士劉師恕原任右春坊右諭德兼翰林院修撰楊大鶴翰
林院庶吉士周彝翰林院編修顧圖河翰林院庶吉士徐
昂發候補僉事道程兆麟原任吏部文選清吏司郎中劉

始恢原任山東提學道劉謙吉原任山東提學道陸鳴珂
原任陝西提學道陸德元原任湖廣提學道岳宏譽原任
福建提學道史陸興原任福建提學道汪薇候補主事李
清仁候補刑部主事程兆彪原任工部屯田司主事劉愈
原任福建延平府知府張楷原任浙江麗水縣知縣賈其
音原任浙江台州府同知連璧原任內閣中書舍人李時
震原任直隸故城縣知縣許國瑞原任浙江嘉興縣知縣
許肇起原任直隸贊皇縣知縣成永健原任廣東英德縣
知縣劉洛中原任河南夏邑縣知縣張豹候選知縣汪漢

候選知縣孔鵬進士杜光先史泓許迎年舉人高天驥喬
崇烈丘聞衣王武丹賈良璧賈珩賈邦楨張默王蕙成申
朱纘喬兆棟喬倣王爵王懋訥李同聲劉肇鈇張裔高克
慕周憲沈倣生員張于來張湛蔡公錫蔡曰芝等呈為
聖駕臨視河工以慰臣民願望事我

皇上

堯仁溥被

禹智旁周

文德武功亘天彌地含生負氣食福飲醇惟茲淮揚一路頻

罹水沴上廕

聖懷

法駕三臨指授方略不惜萬億帑金極此一方民命諸如建桃
水壩開陶莊引河使黃流不致倒灌闕清口拆攔黃舊壩
使二瀆得以歸墟上河治則下河自治莫如隄障洪湖清
流出則濁流自通惟在堅閉六壩潘入字芒稻等河以疏
入江之路塞邵伯更樓諸口以收轉漕之功大挑運河去
二十年之淤墊堅築歸仁渡數百里之漫流下及涇澗蝦
鬚諸河無不通利商民兩便田廬俱復桑麻被野童叟歡

呼此皆我

皇上愛民之周憂民之至心叅造化手畫平成之所致也昨蒙
具疏恭請

聖駕閱視河工指授善後方略英等不勝歡忭迎至宿遷見所
在紳衿百姓無不踴躍欣感翹首

雲霄伏聞

聖駕未即臨幸老幼提携叩額瞻

天忱悃殷切懇乞代為

題達恭請

聖駕來春早臨河工以慰輿情瞻仰蟲魚草木待

鑒輅而春回父老人民觀

翠華而雷動等情又據淮揚二府各州縣士民陸權韓文挺于
廷諫張國瑞張敬李自明韓邦佐李長年楊天培楊起先
余仲林余祥白華徐子觀金朝興殷士貴葉起管章張東
曉等公具呈為

聖恩弘敷萬民感謝懇賜代

題請

駕南幸以慰輿情事切惟黃淮二瀆自古為患數年以來疊罹

水災幸蒙我

皇上德邁唐堯功高神禹軫念民生頻蠲租賦三次

親閱河工指授方畧不惜數百萬帑金堅堵六壩大開清口東
淮刷黃海口深通河流順軌水不旁溢歷來沉沒之田盡
獲耕種巨浸澤國一旦變為膏腴萬姓樂業永奏平成今
蒙恭請

聖駕親臨閱視再授善後方畧民生慶幸市野歡騰茲聞

聖駕未即臨幸環謝下情未能上達瞻

天仰

聖之心翹望愈切為此虔叩軫念輿情准賜

題請恭迎

聖駕早幸江南以遂萬民欣覩

天顏之願等情又據河工効力內閣學士兼禮部侍郎張榕端

翰林院侍講張希良翰林院侍讀學士史夔候補左春坊

左諭德鄭開極原任詹事府少詹事邵遠平候補僉事道

程兆麟原任貴州布政司王毓賢原任山東提學道劉謙

吉原任湖廣岳常道姚淳素原任山東提學道陸鳴珂原

任陝西提學道陸德元原任湖廣提學道岳宏譽原任福

建提學道史陸興原任福建提學道汪薇工部屯田司郎
中丁易原任員外達古禮工部郎中王進楫工部員外王
登魁候補刑部主事程光彪候補中書科中書張百行候
補內閣中書楊守知候選內閣中書楊穆候補知府李雯
候補知府傅澤洪原任同知夏宗堯原任同知連璧候選
知縣孔鵬等恭請

聖駕閱視河工懇賜代

題以慰臣工瞻仰事欽惟我

皇上德邁唐堯功高神禹念淮揚二郡頻罹水患不辭勞苦三

次

親臨河工相度情形指授方略不惜帑金數千百萬極此一方
之民建挑水壩開陶莊引河闢清口疏海口開六壩培高
堰挑運河築歸仁堤濟人字芒稻等河

國計民生萬世永賴皆係

審算所周亘古軼今史冊罕覩向蒙恭請

聖駕親臨閱視指授善後事宜江淮之間歡聲雷動至榕端等

望日瞻雲尤為迫切不啻百谷之仰膏雨草木之被陽春

茲聞

聖駕未即臨幸瞻望微忱未能上達為此公懇代

題恭請

慶輿於春初和煦之時早臨河工以慰瞻

天仰

聖之意各等情到臣等據此該臣等會看得據江南鄉紳致仕
大學士張英等士民陸權韓文棧等効力河工官員張榕
端等呈稱我

皇上

堯仁溥被

禹智旁周

文德武功亘天彌地含生負氣食福飲醇惟茲淮揚一路頻
罹水沴上塵

聖懷

法駕三臨指授方略不惜萬億帑金極此一方民命諸如建桃
水壩開陶莊引河使黃流不致倒灌闕清口拆欄黃舊壩
使二潰得以歸墟上河治則下河自治莫如堤障洪湖清
流出則濁流自通惟在堅閉六壩濬入字芒稻等河以疏
入江之路塞卽伯更樓諸口以收轉漕之功大挑運河去

二十年之淤墊堅築歸仁濃數百里之漫流下及涇澗
鰲諸河無不通利商民兩便田廬俱復桑麻被野童叟歡
呼此皆我

皇上愛民之周憂民之至心叅造化手畫平成之所致昨聞

聖駕閱視河工再授善後方略臣民無不踴躍欣感翹首

雲霄伏聞

聖駕未即臨幸老幼提攜叩顙瞻

天忱悃殷切叩懇代為

題達恭請

聖駕來春早臨河工以慰輿情等因前來臣等見江南臣民感戴

天恩顯望

聖駕來春早臨河工共伸瞻覲之誠情詞懇切不敢壅於

上聞謹會同江南江西總督臣阿山總漕臣桑格江寧巡撫臣

宋榮安徽巡撫臣喻成龍具疏

題達伏乞

皇上睿鑒施行等因康熙四十一年十月十六日題十一月初

七日奉

旨知道了該部知道

兵部尚書兼都察院右都御史總督河道提督軍務臣張鵬翮謹
題為估挑高郵河道以利運行事據淮揚道叅議王謙詳據
揚河通判楊兆僑等詳稱高郵界首連下一帶河道向年
湖河相連水勢甚大故上年挑挖山清寶應運河之時未
曾挑濬今六壩久閉高寶湖水消落運河水勢平緩上流
所刷之沙聚積下流平緩之處河底淤墊恐重運未能利
涉亟應挑挖一律深通以利過往今自高郵界泥甸橋起
至永安南裏頭止應挑河長四千九百七十五丈兩頭築
壩估挑面寬八丈底寬四丈深以一丈為度又上源運口

攔河壩一道共估土方工料銀二萬四千一百九十八兩八分三釐五毫並無浮冒相應造冊詳送等因到道據此該本道看得運河為漕艘經由要津山清寶應河道自惠濟祠後起至界首止已於康熙三十九年內蒙

題估發帑挑挖工完見今寬深其界首迤下一帶河道向因湖河相連水勢甚大故未挑落今六壩久閉高寶湖水消落運河水勢平緩上流所刷之沙聚積下流平緩之處河底淤墊恐重運未能利涉亟應挑挖一律深通以利過往今據揚河通判楊兆儒等詳稱高郵界泥甸橋起至永安

南裏頭止應挑河長四千九百七十五丈估挑面寬八丈
底寬四丈深以一丈為度及兩頭煞壩井上源運口築攔
河壩一道共估土方工料銀二萬四千一百九十八兩八
錢三釐五毫並無浮冒等因前來本道覆覈委無浮冒相
應照造轉詳查挑挖運河關係緊要應請

題估一面發帑委員募夫於田空糧船過完作速興挑等因
到臣據此該臣看得運河為漕艘經由要津山清寶應運
道自惠濟祠後起至界首止已於康熙三十九年內經臣
題估發帑挑挖工完見今衝刷寬深其界首連下一帶河道

向年湖河相連水勢甚大故未挑濬今六壩久閉高寶湖水消落運河水勢平緩上流所刷之沙聚積下流平緩之處河底未免淤澱恐重運未能利涉亟應挑挖一律深通以利過往茲據淮揚道叅議王謙詳稱高郵界泥甸橋起至永安南裏頭止應挑河長四千九百七十五丈估挑面寬八丈底寬四丈深一丈並兩頭煞築攔河壩共估土方工料銀二萬四千一百九十八兩八分三釐五毫委無浮冒等因冊詳前來臣覆覈無異查挑挖運河關係緊要隨動支高堰大工節省銀兩給發揚河通判楊兆儔裡河同

知王英謀等率汛員於回空糧船過完作速開壩挑濬一切進

貢及差使官兵船隻仍照前過壩者聽其過壩起旱者即行起旱不得擅自開放俟來年新運糧船到時啟壩開行除委淮揚道王謙監工督催并原冊送部查覈外相應具疏題估伏乞

皇上勅部迅賜議覆施行等因康熙四十一年十一月十六日題十二月初五日奉

旨界首以下運河若極其淤淺有礙漕運即照所題挑濬如漕

船尚屬可行則挑濬著停止將此項銀兩留於緊要工程動用該部知道欽此接工部移咨到臣該臣看得界首以下河道康熙三十九年因湖水相連水大未能挑挖今六壩壅閉高郵湖水消落運河流緩沙停江西湖廣糧船身重入水更深不無淺澀盤剝仍應遵

旨挑挖深通以利糧艘進行查前估計銀二萬四千一百九十八兩零今相度情形飭令廳汛各官加意節省銀一萬二百三十四兩零嚴催承挑人員晝夜疾備已於十二月二十六日完工二十八日開壩放水理合具摺

奏明伏乞

皇上睿鑒施行為此具摺專差候補僉事道程兆麟齎捧謹具
奏

聞等因康熙四十二年正月初一日

奏